



ԱՌԱՋՆՈՐԴԱՐԱՆ ՀԱՅՈՑ
ՀԻՄՆԻՍԱՅԻՆ ԱՄԵՐԻԿԱՅԻ ԱՐԵՄՍՏԵԱՆ ԹԵՄԻ
WESTERN PRELACY
OF THE ARMENIAN APOSTOLIC CHURCH OF AMERICA
H.E. ARCHBISHOP MOUSHEGH MARDIROSSIAN, PRELATE
 Tel: 818-248-7737/8, Fax: 818-248-7745
 E-mail: Prelacy@aol.com Website: www.westernprelacy.org



ՀԱՅԱՍՏԱՆԻ ԱՌԱՋԻՆ ՀԱՆՐԱՊԵՏՈՒԹԵԱՆ ՀՈՉԱԿՄԱՆ 90 ԱՄԵԱԿԻՆ ԱՌԻԹՈՎ

ՀԱՆՐԱՊԵՏԱԿԱՆ ՄԱՂԹԱՆՔ ԵՒ ԵՌԱԳՈՅՆ ԴՐՕՇԱԿԻ ՕՐՀՆՈՒԹԻՒՆ ԱՐԵՄՍՏԵԱՆ ԹԵՄԻ ԲՈԼՈՐ ԵԿԵՂԵՑԻՆԵՐԷՆ ՆԵՐՍ

Մեր եկեղեցւոյ տօնացոյցին համաձայն, Կիրակի, 25 Մայիսը Ս. Էջմիածնի Մայր Տաճարի շինութեան տօնն էր, որ այս տարի կը զուգահիւսէր Հայաստանի առաջին Հանրապետութեան հիմնադրութեան 90-րդ փառաւոր տարեդարձին: Հետեւաբար, զոյգ տօները մեծ շուքով ու հանդիսաւորութեամբ նշուեցան մեր Թեմի բոլոր եկեղեցիներէն ներս:

Հայաստանի անդրանիկ Հանրապետութեան հռչակման 90-րդ տարեդարձին առթիւ, մեր բոլոր եկեղեցիներէն ներս, յընթացս Ս. Եւ անմահ Պատարագին, տեղի ունեցաւ Հանրապետական մաղթանք, եւ բացառաբար նաեւ այս տարի՝ եռագոյն դրօշակի օրհնութիւն:

Օրէնճ Քառնթիի Ս. Քառասնից Մանկանց եկեղեցւոյ մէջ, նախագահութեամբ եւ հանդիսապետութեամբ Թեմիս բարեխնամ Առաջնորդ Բարձր. Տ. Մուշեղ Ս. Արք. Մարտիրոսեանի, եւ մասնակցութեամբ Արեւելեան Թեմի Առաջնորդ՝ Բարձր. Տ. Օշական Ս. Արք. Զօլոյեանի եւ եկեղեցական հայրերու, հանդիսաւորապէս նշուեցաւ Հայաստանի առաջին Հանրապետութեան հռչակման 90-րդ տարեդարձը, կատարուեցաւ Հանրապետական Մաղթանք եւ Եռագոյն դրօշակի օրհնութեան սրտառուչ արարողութիւն:

«Նշանաւ ամենայաղթ Խաչիւղ քո, Քրիստո՛ս» շարականին երգեցողութեամբ, եւ ընկերակցութեամբ Հ.Ս.Ը.Մ.-ի արի-արենոյշներու, Հայաստանի Հանրապետութեան Եռագոյն դրօշակը, ընկերակցութեամբ Ամերիկեան, Արցախի Հանրապետութեան եւ Հ.Ս.Ը.Մ.ի դրօշակներուն, թափօրով վերամբարձ բերուեցաւ եկեղեցի եւ կանգնեցաւ Դասին մէջ: Կանոնական աղօթքներէ եւ գոհաբանական յատուկ բարեմաղթութիւններէ ետք, Առաջնորդ Սրբազան Հայրը օրհնեց Եռագոյն դրօշակը, Հայաստանի Հանրապետութիւնը, պետական աւագանին, հրամանատարները, հայոց զօրքը եւ հայ ժողովուրդը:

Առաջնորդ Սրբազանը այս առիթով պատգամ էր յղած Թեմիս բոլոր գաւակներուն, որ ընթերցուեցաւ բոլոր եկեղեցիներուն մէջ: Պատգամին մէջ Սրբազան Հայրը կ'անդրադառնար Մայիս 28-ի ոգիին եւ մեր ժողովուրդի

մղած գոյութեան պայքարին, շեշտելով այն իրողութիւնը, որ մեր ազգի կեանքը իր ամբողջութեանը մէջ եղաւ պայքար վասն ճշմարտութեան, վասն հաւատքի, վասն ազատութեան հաստատման եւ վասն գոյատեւման: Նոյն այդ պայքարը սակայն կանգ չառաւ, այլ շարունակուեցաւ նորօրեայ հերոսներով եւ նոր Սարդարապատներով, յանգելով ազատ ու անկախ Արցախի կերտման, որուն յաղթութեան 20 ամեակն է նաեւ այս տարի: Առանց Մայիս 28-ի ոգիին մենք կը կորսնցնենք մեր հայրենիքը, մեր ազգը, մեր գոյութիւնն իսկ, շեշտեց Սրբազան Յայրը:

Պատարագի ակարտին, Սրբազանը նախագահեց նաեւ Սարդարապատի, Բաշ Ապարանի, Ղարաքիլիսէի եւ 1918 թուականին Յայաստանի անկախութեան համար մղուած բոլոր միւս ճակատամարտներուն ընթացքին զոհուած քաջամարտիկներու, ինչպէս նաեւ Արցախի եւ նոր օրերու նահատակ բոլոր ազատամարտիկներու հոգւոց խաղաղութեան ի հանգիստ մատուցուած Յոգեհանգստեան արարողութեան:

ON THE 90TH ANNIVERSARY OF THE FIRST REPUBLIC OF ARMENIA

THANKSGIVING PRAYERS FOR THE REPUBLIC AND BLESSING OF THE FLAG IN ALL PRELACY CHURCHES

On Sunday, May 25th, the Feast of Holy Etchmiadzin as well as the 90th anniversary of the first Republic of Armenia was celebrated in all Prelacy churches with thanksgiving prayers for the Republic and the blessing of the Armenian flag.

H.E. Archbishop Moushegh Mardirossian, Prelate, presided over Divine Liturgy and thanksgiving prayers for the Republic at Forty Martyrs Church in Orange County, and conducted the blessing of the flag ceremony. H.E. Archbishop Oshagan Choloyan, Prelate of the Eastern United States, also participated in the Liturgy.

The ceremony began with Homenetmen scouts carrying the Armenian, American, Artsakh, and Homenetmen flags into the church, accompanied by the singing of hymns. Following the offering of prayers and thanksgiving, the Prelate blessed the Armenian flag and offered his well wishes to the Republic of Armenia including the Parliament, military, and the citizens.

In his message, which was read in all Prelacy churches, the Prelate spoke of the spirit of our struggle, stressing that the history of the Armenian people has been a struggle for the truth, for our faith, for freedom, and for our survival. This same struggle resumed with new heroes and new triumphs during the liberation of Artsakh, the 20th anniversary of which was celebrated this year, said the Prelate. The Prelate concluded that if we lose the spirit of May 28, we risk losing our homeland, our nation, and our existence.

At the conclusion of Divine Liturgy, the Prelate presided over the requiem service during which prayers were offered for those who lost their lives fighting

at Sardarabad, Pash Abaran, Gharakilise, and in all the battles for independence in 1918, as well as in Artsakh.